

Tèm Referans: Konsiltan pou Sipòte ak Evalyasyon Kapasite Mouvman Sosyal an Ayiti

- Ki Kote:** Ayiti, zòn riral ak metropolitèn
- Dire:** Karant (40) jou an total, ant 8 novanm 2021 rive 11 fevriye 2022
- Pwogram:** Repanse Pouvwa

I. Kontèks

Depase Fwontyè Yo se yon fondasyon Beyond Borders kreye depi lane 2015 k ap travay pou kore mouvman sosyal an Ayiti. Beyond Borders kreye depi 1993. Vizyon Depase Fwontyè yo/Beyond Borders genyen se pou yon Ayiti kote:

- Ayisyen ak Ayisyèn monte gwo defi yo depi yo kesyone ansanm, fè rev ansanm epi aji ansanm;
- Fanm ak gason jwenn plis pouvwa depi yon balanse pouvwa antre yo de fason pi ekilib;
- Fanmi ak kominote yo vanse ak plis siksè paske relasyon yo baze sou konfyans ak respè youn pou lòt;
- Moun rive konprann divèsite se yon fòs pa yon feblès li ye;
- Tout timoun grandi nan yon anviwòn kote yo antoure pa moun ki renmen, nourri, ak edike yo; epi
- Nou tout jwenn siyifikasyon pi fon nan lavi nou lè nou bay plis valè sou laverite pase sa ki fè nou alèz, sou pataje pase sa nou ka rive genyen, epi sou lajistis sou benefis pèsònèl.

Depase Fwontyè yo/Beyond Borders travay pou reyalize vizyon sa a atravè misyon li an ki se pou bati mouvman kap ede moun libere tèt yo kont izolasyon ak opresyon. Depase Fwontyè yo/Beyond Borders vize kore kat (4) mouvman prensipal nan peyi Dayiti:

1. Mouvman pou libere timoun ki viktim pratik restavèk la (sèvitid domestik);
2. Mouvman pou fini ak vyolans sou fanm ak tifi ;
3. Mouvman pou tout timoun jwenn aksè ak yon edikasyon kalite ; ak
4. Mouvman pou pèmèt moun soti nan povrete ekstrèm.

Genyen yon “Senkyèm Mouvman” ki vize angaje moun ki pa Ayisyen/Ayisyèn nan mouvman sa yo, chanje mantalite moun yo parapò ak peyi Dayiti epi enfluyans nan sans pozitif fason you angaje ak peyi Dayiti, swa depi lòt bo dlo, swa an Ayiti menm.

Depase Fwontyè yo/Beyond Borders mete kanpe twa (3) pwogram ki se: Inisyativ Kominote Modèl Riral (IKM Riral) ; Inisyativ Kominote Modèl Lavil (IKM Lavil) ; Repanse Pouvwa. Fondasyon an genyen biwo nan Potoprens, Lagonav ak Jakmèl. Li genyen patnè ki travay nan yon bon pati nan peyi a. Beyond Borders genyen estaf ki travay plizyè kote Ozetazini ak Kanada.

Objektif Travay pou Evaliyè Mouvmàn yo: Dapre rechèch ki fèt, mouvmàn sosyal ki gen gwo baz yo kapab transfòme oubyen ede transfòme sosyete de fason efikas epi dirab ala lontèm. Pou mouvmàn yo kapab egziste ak pran jarèt, li enpòtan pou moun ki konsène nan mouvmàn yo - tankou finansè, ONG, aktivis ak rezo yo elatriye - rive gen menm kalite bon konprann antre yo. Zouti Evalyasyon Kapasite Mouvmàn an (ZEKaM), ki te devlope pa *Global Fund for Women* (an kreyòl ayisyen “Fon Mondyal pou Fanm”) epi ki genyen tit an angle “*Movement Capacity Assessment Tool (MCAT)*” fèt pou angaje bann ak kalite pati ki konsène yo, yon jan pou yo tout kapab fè evalyasyon mouvmàn yo an ansanm. Aktè mouvmàn yo kapab sèvi ak rezilta evalyasyon an pou kòmanse diskite sou kijan pou yo fè fas ak defi yo epi vanse pi devan tankou yon mouvmàn. Zouti sa kapab sèvi tou tankou yon zouti planifikasyon ak evalyasyon pou swiv pwogrè yon mouvmàn pandan yon kantite tan.

Depase Fwontyè yo/Beyond Borders ap chache yon konsiltan pou travay ak estaf Depase Fwontyè yo an Ayiti pou reyalize evalyasyon mouvmàn li sipòte yo. Lide a se pou evalye chak mouvmàn li yo nan peyi a e li deja gentan reyalize pou youn nan mouvmàn li yo ki se mete fen nan pratik restavèk la. Koulye a, l ap kontinye avèk mouvmàn pou fini ak vyolans sou fanm ak tifi.

II. Objektif Konsiltasyon

Objektif Global: Egzekite evalyasyon kapasite mouvmàn pou fini ak vyolans sou fanm ak tifi an Ayiti pou penmèt li ranfòse estrateji l nan mouvmàn an k ap pèmèt li rive nan objektif travay avèk òganizasyon/rezo aktè pou travay ansanm sou mouvmàn an onivo nasyonal.

Objektif Espesifik yo:

1. Konstwi yon konsansis pami yon mas kritik aktè kle onivo nasyonal nan mouvmàn sou nesese pou konnen eta mouvmàn pou fè prevansyon kont ak vyolans sou fanm ak tifi an Ayiti;
2. Reyalize evalyasyon kapasite mouvmàn ak zouti ki rele ZEKAM (Aneks A); epi
3. Mete aktè yo ansanm, inisyè mizanplas rezo epi tabli yon fèy wout.

III. Responsabilite Konsiltan

1. Devlop yon metodoloji ak yon plan travay (ansanm ak kalandriye) pwopoze pou reyalize pwòje a
2. Pran tan pou byen konnen zouti ZEKaM nan epi kowòdone travay ak pwèn fokal Depase Fwontyè yo sou aplikasyon elektwonik zouti a
3. Konnen byen epi enplike nan mouvmàn fanm/ feminis/ mouvmàn kont vyolans sou fanm ak tifi an Ayiti
4. Travay ak pwèn fokal Depase Fwontyè yo pou idantifye tout aktè mouvmàn ki ta kapab patisipe nan evalyasyon an
5. Kontakte epi diskite ak enstitisyon ki enplike nan mouvmàn kont vyolans sou fanm ak tifi
6. Asire chak aktè ki pral patisipe nan evalyasyon an konprann zouti ZEKaM nan epi sipòte yo pou byen ranpli li nan delè ki defini, si nesèsè
7. Fè swivi bò kote aktè/òganizasyon yo pou kapab ranpli epi patisipe nan evalyasyon an
8. Asire analiz ak entèpretasyon done ki ranmase yo epi prepare rapò analiz (ak sipò Reskonsab Swivi ak Evalyasyon Depase Fwontyè yo)
9. Prepare epi òganize atelye echanj sou rapò a
10. Sipòte Depase Fwontyè yo nan preparasyon ak òganizasyon “Espas Louvri” pou defini oryantasyon mouvmàn ki chita sou rezilta rapò a
11. Pwodwi rapò sentèz ki soti nan rankont Espas Louvri yo
12. Òganize vwayaj sou tèren nan ka sa nesèsè an kòdinasyon / planifikasyon ak Depase Fwontyè yo (ki genyen pou kouvri depans ki makonnen ak deplasman ak lojman)

Konsiltan an genyen pou pran reskonsabilite pou asire li genyen pwòp asirans medikal li pou pèyòd kontra a, epi pou li peye taks dapre sa lalwa Ayisyen an mande nan kad kontra konsiltasyon an.

IV. Reskonsabilite Depase Fwontyè yo/Beyond Borders

1. Rankontre ak Konsiltan pou diskite objektif, apwòch, zouti ZEKaM nan elatriye
2. Diskite epi apwouve metodoloji ak apwòch pou reyalize evalyasyon an
3. Defini ki kalite aktè ki ap patisipe nan evalyasyon an
4. Fasilite premye kontak ant Konsiltan ak òganizasyon / aktè mouvman Depase Fwontyè yo genyen relasyon ak yo
5. Sipòte Konsiltan an pou rezoud pwoblèm teknik ak aplikasyon elektwonik zouti a
6. Sipòte Konsiltan pou planifye epi òganize rankont Espas Louvri
7. Mete lajan disponib pou reyalizasyon Espas Louvri
8. Bay Konsiltan yon espas nan biwo Depase Fwontyè yo nan Jakmèl pou fasilite travay la (si nesèse)
9. Kouvri frè telefòn pou kominikasyon ak aktè enplike ak estaf la
10. Asire/bay frè deplasman / lojman lè Konsiltan bezwen ale sou tèren nan kad aktivite kontra a
11. Sipòte Konsiltan an pou rezoud nènèt lòt pwoblèm li ka fè fas pandan lap egzekite kontra a

V. Dire Kontra a ak Lòt Tèm ak Kondisyon

Kontra konsiltasyon sa a ap dire anviwon 4 mwa, soti 28 Oktob pou rive 28 Fevrye 2021. Pandan pèyòd sa a, Konsiltan an genyen pou kontwòle lè ak jou travay la pou yo pa rive plis pase karant (40) jou an total (8è detan egal 1 jou de travay nan kad kontra konsiltasyon sa a).

Li posib okou konsiltasyon an, Depase Fwontyè yo/Beyond Borders deside genyen posibilite pou koumanse travay sou evalyasyon youn nan lòt mouvman yo apiye yo, li kapab diskite sa ak konsiltan ki gentan angaje epi renegosye tèm ak kondisyon kontra a, oubyen yo kapab deside angaje yon lòt konsiltan pou koumanse travay sou evalyasyon lòt mouvman an pandan Konsiltan sa a kontinye travay sou evalyasyon mouvman mete fen nan pratik restavèk la. Si desizyon an pran pou angaje yon dezyèm konsiltan, li pwobab toulede konsiltan tap genyen pou kolabore ansanm.

VI. Konpetans ak eksperyans

- Genyen pou pi piti yon lisans nan domèn Syans Sosyal
- Genyen pou pi piti 5 lane nan travay sou kesyon sosyal nan peyi a
- Genyen oubyen kapab konstwi yon bon rezo kontak nan mitan òganizasyon yo ki nan mouvman kont vyolans sou fanm ak tifi/ mouvman feminis/ mouvman fanm
- Genyen kapasite ak eksperyans nan mete moun ak òganizasyon/enstitisyon ansanm pou diskite epi jwenn solisyon sou kesyon sosyal ann Ayiti
- Genyen lyen, kapasite pou atire moun pou travay ansanm
- Genyen kapasite pou bon jan jesyon/ òganizasyon tan ak plizyè tach alafwa
- Bon jan kominikasyon pou ankouraje kolaborasyon
- Genyen eksperyans nan itilize metòd ak teknik ki pèmèt moun patisipe yon fason aktif nan diskite yon pwoblèm (metodoloji "Espas Louvri" se yon ajou).
- Genyen eksperyans nan pwodui rapò sentèz ki soti nan travay an gwoup
- Genyen konpetans ak metriz lojisyeèl tankou Microsof "Word" "PowerPoint", Excel, CommCare
- Genyen konpetans pou travay sou lojisyeèl elektwonik (sitou nan kad ranmase ak analize done)
- Fò nan detay, Pwo-aktif, fleksib, kreyatif, kapab travay yon fason trè endepandan

- Metrizè divès lang ki pèmèt li kominite ak estaf ak aktè nouvan yo (Kreyòl an premye, Fransè ak Anglè vini apre).

VII. Egzijans Pou Depoze Kandidati

- Yon Lèt Motivasyon ki eksplike entèrè ak eksperyans pètinan
- CV ki ajou epi ki montre eksperyans yon travay similè oswa aplikab
- Kopi Lisans ak lòt fòmasyon pwofesyonèl ki pètinan
- Pwofoma ki an goud (HTG) ak yon tarif jounaliye
- 2 referans pwofesyonèl

Dosye kandidati tout moun ki entèrese **dwe remèt avan 7è nan aswè jou kap dimanch 24 oktòb 2021** sou adrès elektwonik consultant@beyondborders.net. Nan liy sijè imèl la, tanpri mete **“Konsiltan Evalyasyon Mouvan_RP”**.

Depase Fwontyè yo, se yon òganizasyon ki ofri menm opòtinite a tout moun. Nou ankouraje fanm, moun ki andikape ak manm gwoup ki depi lontan ki majinalize yo postile.